

Polazeći od saznanja da se razmjenom znanja, stečenih iskustava i praksi stvara ambijent za unapređenje poslova i funkcija jedinica lokalne samouprave koje se odnose na upravljanje lokalnim razvojem;

Svjesni specifične uloge službenika jedinica lokalne samouprave u procesima upravljanja lokalnim razvojem koja se realizuje kroz složene i zahtijevne poslove i funkcije integrisanog razvojnog planiranja i implementacije strateških prioriteta, čime se doprinosi cjelokupnom razvoju područja na kojem jedinica lokalne samouprave djeluje;

U uvjerenju da će rad Mreže praktičara iz oblasti upravljanja lokalnim razvojem Saveza općina i gradova Federacije Bosne i Hercegovine razviti dodatne oblike komunikacije putem kojih će prijedlozi, inicijative i nove ideje sa nivoa jedinica lokalne samouprave biti dijelom primjenjivih rješenja i pomoći institucijama na višim nivoima vlasti u razvoju jedinica lokalne samouprave;

donosimo slijedeću

**DEKLARACIJU O
OSNIVANJU MREŽE PRAKTIČARA
IZ OBLASTI UPRAVLJANJA LOKALNIM RAZVOJEM
SAVEZA OPĆINA I GRADOVA FEDERACIJE BOSNE I HERCEGOVINE**

Vizija Mreže

Funkcionalna, dobro koordinirana i aktivna Mreža praktičara iz oblasti upravljanja lokalnim razvojem Saveza općina i gradova Federacije Bosne i Hercegovine (u daljem tekstu: Mreža) svojim zajedničkim aktivnostima doprinosi opštem razvoju jedinica lokalne samouprave, a time i cjelokupne zajednice.

Misija Mreže

Razmjena stečenih znanja, iskustava i dobrih praksi, te spremnost za provođenje i drugih aktivnosti kojima se doprinosi daljem usavršavanju i razvijanju vještina u obavljanju poslova iz oblasti upravljanja razvojem u jedinicama lokalne samouprave.

Cilj Mreže

Cilj Mreže je razmjena i praktična primjena znanja, iskustava i dobrih praksi u radu službenika jedinica lokalne samouprave koji učestvuju u procesima upravljanja lokalnim razvojem, te unapređenje učešća i komunikacije sa nadležnim institucijama, nevladinim organizacijama i drugim razvojnim akterima koji djeluju na lokalnom nivou.

Djelokrug rada

Mreža djeluje i cilj ostvaruje kroz:

- predstavljanje i razmatranje tematskih pitanja i rješenja kojima se unapređuje regulatorni okvir, procesi i praksa upravljanja lokalnim razvojem,

- promovisanje i širenje najboljih praksi i prenošenje stečenih znanja članovima Mreže i drugim službenicima u jedinicama lokalne samouprave,
- saradnju sa vanjskim stručnjacima i stručnim organizacijama, udruženjima, te poslovnom zajednicom koji se bave sličnim temama,
- saradnju sa nadležnim institucijama koje su od značaja za poslove upravljanja lokalnim razvojem u jedinicama lokalne samouprave,
- druge aktivnosti u namjeri ostvarenja ciljeva Mreže.

Oblici djelovanja Mreže

- *Periodični tematski sastanci:* Mreža će nastojati da organizovanjem kvalitetno osmišljenih tematskih sastanaka dodatno razvije i razmijeni znanja i iskustava iz oblasti lokalnog upravljanja razvojem;
- *Elektronski kanali komunikacije:* Mreža će nastojati da se putem funkcionalnih elektronskih servisa (*u sklopu web stranice Saveza i tematskih društvenih mreža i sl.*) brže razmijene potrebne informacije, mišljenja i slično, a putem društvenih mreža upozna šira javnost o strateškim prioritetima, aktivnostima i konkretnim rezultatima jedinica lokalne samouprave.
- *Elektronske usluge:* Mreža će putem web stranice Saveza ažurirati i imati stalno na raspolaganju „zbirke korisnih materijala“ (ključni regulatorni propisi, metodološki i trening materijali te istraživačke i ostale korisne publikacije) iz oblasti upravljanja lokalnim razvojem.
- *Saradnja:* Mreža će saradivati i sa što većim brojem zainteresovanih domaćih i međunarodnih aktera iz vladinog, nevladinog i privatnog sektora u svrhu promovisanja razvojnih potencijala lokalnih zajednica i privlačenja vanjskih izvora investiranja.
- *Zagovaranje:* Mreža će biti aktivna u promovisanju ideja, pokretanju inicijativa i zagovaranju regulatornih i drugih reformi na lokalnom i višim nivoima vlasti u pravcu unaprijeđenja ambijenta za ostvarivanje razvojnih ciljeva jedinica lokalne samouprave.

U Sarajevu, 15.03. 2018. godine.

U ime i uz saglasnost jedinica lokalnih samouprava navedenih u aneksu ove deklaracije:

Savez općina i gradova FBiH

Aneks: Jedinice lokalne samouprave, potpisnice deklaracije o osnivanju Mreže

Naziv jedinice lokalne samoprave	Ime i prezime predstavnika jedinice lokalne samouprave	Potpis

